

اُمّ المؤمنین

حضرت زینب بنتِ حبّش رضی اللہ عنہا

مؤلف

رازول کوہستانی

## اُمُّ الْمُؤْمِنِينَ حضرت سیدہ زینب بنتِ حبش رضی اللہ تعالیٰ عنہا

(کوہستانی شینا زبان میں)

بیٹے اصل نوم برہ سو، نکاح جی پتو نوم بدل تھے زینب شہوریگاس<sup>1</sup>۔ بیٹے  
اجیئے نوم اُمیمہ بنتِ عبدالمطلب، نسبی لڑدہ حضور ﷺ ائے پھیا سس<sup>2</sup>۔

کُنیت: حضرت زینب رضی اللہ عنہا ائے کُنیت ”ام الحکیم“، آں بیٹے قبیلہ قریش۔

مالر شجرہ: زینب بنتِ حبش بن رباب بن یحمر بن صبرہ بن مرہ بن کثیر  
بن غنم بن دودان بن سعد بن خزیمہ۔

پائڈخ: حضرت زینب بنتِ حبش رضی اللہ عنہا ائے پائڈخے صحیح کال لیل نانؤ،  
محققین سہ احتمال گئی رزن چہ سہ ہجرت جی 33 کال آن بعثت جی 10 کال  
مُچھو پائدا بلس۔ عام کتابو مجی بیٹے پائڈخ 590 عیسوی دہ آن وفات 641  
عیسوی پشیگان۔

ہجرت: حضرت زینب بنتِ حبش رضی اللہ عنہا گہ سیٹے ٹبرے جگا اول ہجرت  
مدینہ تھیکہ<sup>3</sup>۔ مکہ دہ ابوسفیان بن حرب ای بیٹے گچھلو گوڑ جی تصرف  
عدوانی وجہ گئی عمرو بن علقمہ ٹر ملی داؤ<sup>4</sup>۔

اسکوئی: حضرت زینب بنتِ حبش رضی اللہ عنہا سہ تومو بت گئی اسکوئی تھیسئی،  
صدقہ گہ خائرات دون دہ گہ مشہورس، یتیم گہ کگونو شدیٹ بوجاسی۔

سختاب: رزن حضرت زینب بنتِ حبش رضی اللہ عنہا لئی سخی سی۔ مرگے وخ دہ  
سیٹو دی جوک گہ درہم یا دینار پھت نہ بلس، جوک گہ اسلک تومی جوڈن

<sup>1</sup> ابن حجر، الاصابہ، جلد 7، ص: 668۔

<sup>2</sup> ابن سعد، طبقات الکبری، جلد 8، ص: 101۔

<sup>3</sup> ابن ہشام، السیرۃ النبویہ، جلد 2، ص: 114؛ محمد بن سعد، طبقات الکبری، جلد 8، ص: 101۔

<sup>4</sup> ابن ہشام، السیرۃ النبویہ، جلد 2، ص: 114؛ محمد بن سعد، طبقات الکبری، جلد 8، ص: 101۔

## اُمُّ الْمُؤْمِنِينَ حضرت سیدہ زینب بنتِ حبش رضی اللہ تعالیٰ عنہا

دہ غریب غُربوڑ بگے موجیگیس<sup>5</sup>۔ اخسر مُؤرخین سہ رزنن چہ حضرت زینب بنت حبش رضی اللہ عنہا او ایو ہو وخ دہ (گھنٹو مجی) 12000 درہم یتیم گہ کگونیو مجی بگے یا سیٹے گوڑوڑ چیٹی بڑیگیس<sup>6</sup>۔

**نکاح ائے سچیار:** کھاں وخ دہ حضرت زینب بنتِ حبش رضی اللہ عنہا ائے عدت ائے مُدا تام بلو تو نبی علیہ السلام ای حضر زید بن حارثہ طلب تھیگہ، سہ لئی جنی گئی بارگاہ رسالت اُچھتو۔ نبی علیہ السلام ای ارشاد تھیگہ: زید! تو بو آن (گیرے) زینب ئو می طرفجی سچنی (پیغام) اُچھیے۔ حضرت زید لئی جنی گئی حضرت زینب بنتِ حبش رضی اللہ عنہا ائے گوشتھ روان بلو۔

گوڑہ اُچھی زید بن حارثہ رضی اللہ عنہ ای حضرت زینب بنتِ حبش رضی اللہ عنہا ئو رجاؤ: خھوڑ بشارت بونتھہ چہ نبی علیہ السلام ای مؤں خھودی چینیگان چہ مؤں نبی علیہ السلام ائے طرفجی خھوڑ پیغام دم۔ آ شٹی حضرت زینب بنتِ حبش رضی اللہ عنہا او رجیگی: مؤں آ موڑے جوک گہ جواب نہ دو بامس کچا بُجیش چہ مؤں تومو رب عزوجل سے مشورہ نہ تھم، آ رزی سہ اُتھلی آن گیرے تومو مصلہ جی بیٹی، تومو شش مبارک مصلہ جی بدیگی آن بارگاہ برے نیاز دہ عرض تھیگی: وو اللہ! تھوئے نبی صلی اللہ علیہ وسلم سہ می طلب تھین اگر مؤں سیٹے زوجیت ائے قابل بنس تو مؤں سیٹے زوجیت دہ۔

ایک مُتی روایت دہ تھانی چہ آ آیاتے نزولجی پتو حضور صلی اللہ علیہ وسلم ای ہزی رجیگہ کوئے بنو یا کھانس زینب دی گیرے آ زیرے اُچھی چہ اللہ تعالیٰ ای می نکاح زینب سے تھاون آ شٹی ایک ڈبوئی بت تھیو حضرت زینب دی اُچھتی آن آ آیات شُتریرے زیرے دیگہ۔ حضرت زینب او آ بشارتجی خوشحال بوئے تومو

<sup>5</sup> ابن ہشام، السیرۃ النبویہ، جلد 2، ص: 114، 115، 145۔

<sup>6</sup> ابن سعد، جلد 8، ص: 108؛ ابونعیم اصفہانی، حلیۃ الاولیاء، جلد 2، ص: 54۔

## اُمُّ الْمُؤْمِنِينَ حضرت سیدہ زینب بنتِ حبش رضی اللہ تعالیٰ عنہا

گھاٹا نکھلے اسے ڈبوئیڑ انعام دے دیگی آں اکے سجدہ دے وتھی۔ آ نعمتے شکرہ دے دُو موس بُجیش روزہ بیٹی<sup>7</sup>۔

حضرت عائشہ رضی اللہ عنہا اے نظر دے: حضرت عائشہ رضی اللہ عنہا اے رزینی چہ: ”موس زینب بنتِ حبش جی بسکئی کھاں گے چیئی قام دین دے بر، اللہ جی بِحیک، سُونچھی رزیک، صلہ رحمی پالیک گے صدقہ تھیک نہ پشیسَن“

حضرت عائشہ رضی اللہ عنہا سہ رزن دینداری، پرہیزگاری، صدقہ دون آں تومی اقرہ جی نظر تھون مجی حضرت زینب بنتِ حبش رضی اللہ عنہا جی بر کوئے گے ناسو، سیس یتیم گے کگوئیوڑ بسکئی نظر تھیسئی۔<sup>8</sup> حضرت عائشہ رضی اللہ عنہا سہ اکوجی پتو رسول اللہ صلی اللہ علیہ وسلم اے جدائی جمات کلیسی۔<sup>9</sup> ابن جوزی گے ابن عبدالبر سہ حضرت عائشہ رضی اللہ عنہا جی نقل تھین چہ حضرت زینب بنتِ حبش رضی اللہ عنہا رسول اللہ ﷺ سہ ساتی مقام گے شان دے (می) برابریائے دعویدارس<sup>10</sup>۔

روایت: حضرت زینب بنتِ حبش رضی اللہ عنہا، حضور ﷺ جی حدیثو راوی گے ہنی آں رسول اللہ جی چند احادیث سیٹوجی منقولین<sup>11</sup>۔ بیٹے دُو حدیث بخاری شریف گے مسلم شریف دے ذکرین<sup>12</sup>۔ بیٹوجی کھاں جگا احادیث روایت تھيگان سیٹو مجی حضرت اُمّ حبیبہ رضی اللہ عنہا، حضرت قاسم بن محمد بن ابی بکر آں حضرت محمد بن عبداللہ بن حبش ٹلن<sup>13</sup>۔

<sup>7</sup> عبدالمصطفیٰ الاعظمی، سیرت مصطفیٰ ﷺ، ص: 431، 432۔

<sup>8</sup> ابن سعد، طبقات الکبری، جلد 8، ص: 103، 110۔

<sup>9</sup> ابن سعد، طبقات الکبری، جلد 8، ص: 108، 110۔

<sup>10</sup> ابن سعد، طبقات الکبری، جلد 8، ص: 114۔

<sup>11</sup> ابن جوزی، صفہ الصفوۃ، جلد 2، ص: 48۔

<sup>12</sup> امام طبرانی، ص: 51-57۔

<sup>13</sup> ذہبی، جلد 2، ص: 218۔

## اُمُّ الْمُؤْمِنِينَ حضرت سیدہ زینب بنتِ حبش رضی اللہ تعالیٰ عنہا

**نکاح:** حضرت زینب بنتِ حبش رضی اللہ عنہا اے اول نکاح حضور صلی اللہ علیہ وسلم اے رچھیلو پچ زید بن حارثہ رضی اللہ عنہ سے بلس۔ زبائلیجی پتو حضرت زید رضی اللہ عنہ گہ حضرت زینب بنتِ حبش رضی اللہ عنہا مجی مڑنی سُمُخ نہ بوبالی، زید رضی اللہ عنہ سہ اخسر حضور صلی اللہ علیہ وسلم ٹر شکایت تھیسو، آن حضور صلی اللہ علیہ وسلم سہ زید ٹر صبرے تلقین تھینس<sup>14</sup>۔ آخر بیٹے اکومجی سلک نہ بوبون گئی بجزتے پُوش موگو کال غزوہ مریسع جی پتو شعبان دہ بیٹو مجی پکھی جُدبی بلی<sup>15</sup>۔ کھاں وخ دہ حضرت زید رضی اللہ عنہ ای حضرت زینب بنتِ حبش رضی اللہ عنہا اوزگار تهاؤ تو عدت تام بونجی لو مُدا پتو سیٹو سے حضور صلی اللہ علیہ وسلم ای نکاح تھیگہ۔

## مناقب اُمِّ الْمُؤْمِنِينَ حضرت زینب بنتِ حبش رضی اللہ عنہا

■ فَلَمَّا قَضَى زَيْدٌ مِنْهَا وَطَرًا زَوَّجْنَاهَا (احزاب)

(ترجمہ: کرہ زید ای سیس سے حاجت تام تهاؤ [زینب ٹر طلاق داؤ آن عدت تام بلی] تو اسا [اللہ] سہ سے [زینب اے] خھو [حضور صلی اللہ علیہ وسلم] سے نکاح تھیس۔)

■ عَنْ عِيسَى بْنِ طَهْمَانَ، قَالَ: سَمِعْتُ أَنَسَ بْنَ مَالِكٍ رَضِيَ اللَّهُ عَنْهُ يَقُولُ: نَزَلَتْ آيَةُ الْحِجَابِ فِي زَيْنَبَ بِنْتِ حَبَشٍ، وَأُطْعِمَ عَلَيْهَا يَوْمَئِذٍ خُبْزًا وَلَحْمًا، وَكَانَتْ تَفْخَرُ عَلَى نِسَاءِ النَّبِيِّ ﷺ وَكَانَتْ تَقُولُ: إِنَّ اللَّهَ أُنْكَحَنِي فِي السَّمَاءِ.

”امام عیسیٰ طهمان اے بیانن چہ مون حضرت انس بن مالک آرزون دہ شُئلس چہ حجاب (پڑدہ) اے آیت حضرت زینب بنتِ حبش اے حق دہ نازل بلی آن سیٹے زبائلیجے ٹکئی دہ نبی علیہ السلام ای ٹکئی گہ موس کھیگہ آ گئی سیس (حضرت زینب بنتِ حبش) نبی علیہ السلام اے مُتی جمات

<sup>14</sup> ابونعیم اصفہانی، حلیۃ الاولیاء، جلد 2، ص: 52۔

<sup>15</sup> ابن سعد، طبقات الکبری، ج 8، ص: 103؛ بلاذری، جلد 1، ص: 522۔

## اُمُّ الْمُؤْمِنِينَ حضرت سیدہ زینب بنتِ حبش رضی اللہ تعالیٰ عنہا

مطہراتُجی فخر تھیسسی آں رزاسی چہ اللہ تعالیٰ ای می نکاح آسمانِجی تہاؤن“<sup>16</sup>۔ (امام بخاری)۔

■ عَنْ ثَابِتٍ، قَالَ: ذُكِرَ تَزْوِيجُ زَيْنَبِ بِنْتِ جَحْشٍ عِنْدَ أَنَسٍ فَقَالَ: مَا رَأَيْتُ النَّبِيَّ ﷺ أَوْلَمَ عَلَى أَحَدٍ مِنْ نِسَاءِهِ مَا أَوْلَمَ عَلَيْهَا، أَوْلَمَ بِشَاةٍ.

”حضرت ثابت اے بیان چہ حضرت انس دی حضرت زینب بنتِ حبش ﷺ اے نکاح اے ذکر بلو تو سیسی رجاؤ چہ مؤ نبی علیہ السلام اے کہاں گہ جمات اے زانلے ٹکی اے شریا جیئے گہ ٹکی نہ پشاسن، نبی علیہ السلام ای سیئے (حضرت زینب بنتِ حبش ﷺ) زانلے ایک لچ ذبح تھے ٹکی تھیکہ“<sup>17</sup>۔ (متفق علیہ)

■ عَنْ أَنَسٍ قَالَ: كَانَتْ زَيْنَبُ تَفْخَرُ عَلَى أَزْوَاجِ النَّبِيِّ ﷺ تَقُولُ: زَوَّجَكُنْ أَهْلِي كُنْ وَزَوَّجَنِي اللَّهُ تَعَالَى مِنْ فَوْقِ سَبْعِ سَمَوَاتٍ.

”حضرت انس جی مروی نی چہ حضرت زینب بنتِ حبش، حضور ﷺ اے تمام ازواج مطہراتوڑ فخریہ رزاسی چہ شھے نکاح شھے گوڑے جگا تھیگان آں می نکاح اللہ تعالیٰ ای ست آسمانوجی اجی تہاؤن“<sup>18</sup>۔ (امام بخاری)

■ عَنْ عَائِشَةَ رَضِيَ اللَّهُ عَنْهَا فِي رِوَايَةٍ طَوِيلَةٍ: فَأَرْسَلَ أَزْوَاجُ النَّبِيِّ ﷺ زَيْنَبُ بِنْتُ جَحْشٍ زَوْجَ النَّبِيِّ ﷺ وَهِيَ الَّتِي كَانَتْ تُسَامِيَنِي مِنْهُنَّ فِي الْمَنَازِلَةِ عِنْدَ رَسُولِ اللَّهِ ﷺ وَلَمْ أَرِ امْرَأَةً قَطُّ خَيْرًا فِي الدِّينِ مِنْ زَيْنَبَ، وَاتَّقَى اللَّهُ، وَأَصْدَقَ حَدِيثًا، وَأَوْصَلَ لِلرَّحِمِ، وَأَعْظَمَ صَدَقَةً، وَأَشَدَّ ابْتِدَالًا لِنَفْسِهَا فِي الْعَمَلِ الَّذِي تَصَدَّقُ بِهِ، وَتَقَرَّبَ بِهِ إِلَى اللَّهِ تَعَالَى، مَا عَدَا سُورَةَ مِنْ حِدَّةٍ كَانَتْ فِيهَا، تُسْرِعُ مِنْهَا الْفَيْئَةُ.

<sup>16</sup> صحیح بخاری، کتاب التوحید، باب 6 / 2700، حدیث: 6985۔

<sup>17</sup> صحیح بخاری، کتاب نکاح، باب: بھیڑ کے ساتھ دعوت، 5/1983، حدیث: 4876؛ صحیح مسلم، کتاب نکاح، باب: شادی زینب بنتِ حبش، 1049/2، حدیث: 1428؛ امام ابوداؤد، سنن ابوداؤد، کتاب: شادی کے موقع پر دعوت، 3/341، حدیث: 3743؛ بیہقی، سنن الکبریٰ، 7/258۔

<sup>18</sup> صحیح بخاری، کتاب: التوحید، باب: اور اس کا عرض پانی پر تھا، 6/2699، حدیث: 6984؛ امام نسائی، سنن نسائی، کبریٰ خلاصہ، 5/291، حدیث: 8918۔

## اُمُّ الْمُؤْمِنِينَ حضرت سیدہ زینب بنتِ حبش رضی اللہ تعالیٰ عنہا

”حضرت عائشہؓ سے ایک رُگنی حدیث بیان تھینی چہ حضور ﷺ اے ازواجِ مطہراتِ جنی سیٹے (حضور ﷺ) زوجہ مطہرہ حضرت زینب بنتِ حبش سیٹودی (حضور ﷺ) چیٹیکہ آن صرف سے (حضرت زینبؓ) نبی علیہ السلام اے پنیز دہ مرتبہ دہ می برابرتیائی سی آن مون حضرت زینبؓ جی بسکی دیندار، اللہ جی بِحیک، حق مؤش تھیک، صلہ رحمی پالیک، صدقہ گہ خائرات تھیک کوئے گہ چیئی نہ پشیسین، آن نیس سے سَجی بسکی کوئے تواضح تھیک چیئی پشیسین، اسہ عملِ دہ کھان سے ذریعے گئی سیس صدقہ تھیس آن اللہ تعالیٰ قرب حاصل تھیس، البت سے جبے شنا چٹھس مگر اسہ سَجی گہ سیس جنی رجوع تھیس۔“ (امام مسلم)

■ عَنْ عَائِشَةَ أُمِّ الْمُؤْمِنِينَ قَالَتْ: قَالَ رَسُولُ اللَّهِ ﷺ: أَسْرَعُنَّ لِحَاقًا بِي أَطْوَلُكُمْ يَدًا. قَالَتْ: فَكُنْ يَتَطَاوَلْنَ أَيُّهُنَّ أَطْوَلُ يَدًا قَالَتْ: فَكَانَتْ أَطْوَلَنَا يَدًا زَيْنَبُ لِأَنَّهَا كَانَتْ تَعْمَلُ بِيَدِهَا وَتَصَدَّقُ.

”اُمُّ الْمُؤْمِنِينَ حضرت عائشہؓ سے بیان تھینی چہ رسول اللہ ﷺ ای ارشاد تھیک: (می وفاتِ جی پتو جنت دہ) خھو بُئیو مجی لئی جنی اسہ جمات ہشو، کھان سے بتی خھو بُئیو مجی رُگہ بُوئے، حضرت عائشہؓ سے رزانے ترے بیہ بُئیو جی تومہ تومہ بتی تولیس چہ کھان سے بتی بسکہ رُگان، مگر بُجی رُگہ بتی حضرت زینبؓ اے سے، ترے چہ سیس تومہ بتوگی کوم تھیس آن صدقہ گہ خائرات تھیس۔“<sup>19</sup> - (امام مسلم)

■ عَنْ عَبْدِ اللَّهِ بْنِ شَدَادٍ: أَنَّ رَسُولَ اللَّهِ ﷺ قَالَ لِعِمْرَ: إِنَّ زَيْنَبَ بِنْتَ حَبَشٍ أَوَاهَةٌ. قِيلَ: يَا رَسُولَ اللَّهِ مَا الْأَوَاهَةُ؟ قَالَ: الْخَاشِعَةُ.

”حضرت عبد اللہ بن شداد سے بیان تھین چہ حضور ﷺ ای حضرت عمرؓ رجیکہ: بے شک زینب بنتِ حبش ”اواہہ“ نی۔ عرض تھجلی: یا رسول اللہ!

<sup>19</sup> صحیح مسلم، کتاب: صحابہ کے فضائل، باب: مؤمنوں کی مال زینب کے فضائل، 4/1907، حدیث: 2452/ ابن حبان، صحیح ابن حبان، 15/50،  
حدیث: 6665۔

## اُمُّ الْمُؤْمِنِينَ حضرت سیدہ زینب بنتِ حُجَّش رضی اللہ تعالیٰ عنہا

اَوَّاه اے جو مطلبین، نبی علیہ السلام اے ارشاد تھیگہ: خاشعہ (خشوع گہ خضوع تھیگہ)“<sup>20</sup>۔

**وفات:** وفات اے وخ ده عمرے کوئے سہ 53 کال آن کوئے سہ 50 کال رزن۔ ابن سعد جی منقول روایت اے مطابق حضور ﷺ سے ساتی زبائلے وخ ده حضرت زینب بنتِ حُجَّش اے عمر 35 کالس۔ حضور صلی اللہ علیہ وسلم اے وفات جی پتو، پھت بلے ناؤں ازواجو مجی حضرت زینب بنتِ حُجَّش تم مچھو 20 ہجری ده وفات بلے۔ سینے مڑے تابوت ده وی کھٹیکہ آن جنازه اے نماز حضرت عمر بن خطاب اے تھیائوس، تدفین جنت البقیع ده بلس۔

حضرت زینب بنتِ حُجَّش اے وفات جی حضرت عائشہ رضی اللہ عنہا اور جیگی: ”کھوش تھیلی خوئیں خوان، فائدہ دیک ہستی، یتیم گہ کگونیزو خبرگیر اش دُنیرے جی روخصت بلے“۔

حضرت زینب بنتِ حُجَّش رضی اللہ عنہا، حضرت عائشہ رضی اللہ عنہا گہ حضرت خدیجہ رضی اللہ عنہا اے سولی گہ اسلی۔

ابونعیم، حلیۃ الاولیاء، جلد 2، ص: 54؛ ابن عبد البر، الاستعاب، جلد 4 ص: حدیث: 3355؛ ذہبی، سیار عالم النبلاء، جلد 2، ص: 217۔<sup>20</sup>



